


25342

I

Mag. St. Dr.

kat.komp.









25342

I

P

Biblioteka Jagiellońska



stdr0003508

*Elisei Aurimontani. Ad Dantiscanos
bellum a arma circumspicientes Epistol.*

Anno 1638.

Hist. 3745

1875/11/29

ELISEI AVRI-
MONTANI

AD

DANTISCANOS
BELLVM ET ARMA
circumspicientes

E P I S T O L A

I N Q V A

Vatem eis popularem ex-
hibet.

Anno Dni. M. DC. XXXVIII.



25342



AMPLISSIMO SENATVI

CIVITATIQ; GEDANENSI,

Eliseus Aurimontanus S.



VM florentem fœlicitatem Vestram, quâ paucissimis retrò sæculis, sub mitiore regimine, vicinarum omnium ciuitatum Maiestatem, nouis opibus extinxistis. intueor: atq; pro comperto habeo, **INDISCRETAM FELICIVM PEDISSE- QVAM SVPERBIAM ESSE**, vixq; cuiquam contigisse, abundare fortunâ, & indigere arrogantia: in hoc rerum & animorum vestrorum æstu, quæ potentia Regum, ipsiq; Elemento Maris limites definire, nonnullorum opinione videmini; non potui, quin pro amore patriæ, impendens Vobis fata (quæ armis ligonibusq; maturatis) paululum saltem morer, si deprecari non possum. Eâ causâ à periculosis consilijs, non meis vos verbis dimouere, sed viri magni, Cuius quondam Vestri dehortari vaticinijs volui, vt memores vestri muneris, partam nuper Gustauiano bello constantia laudem, deserti officij infamia non deleatis. Legite ergo quæ IOANNES DANTISCANVS Culmenis olim & Varmienfis Episcopus, personam Ionæ Prophetæ (ne Poëtam cogitetis) mutuatus, VRBI vestrae fata prænunciet.

Urbs

V Rbs noua diues opum Dantiscum, siue Gedanum,
 Accipe diurnâ qua Tibi mente loquor.
 Est bene tempus adhuc, si non peccata relinques,
 Hoc, quibus exundat tempore, fracta rues.
 Creuisti citò: sic etiam superis malè grata
 Decresces: instant iam Tua fata Tibi.
 Impietas, fastus, luxus, tria monstra ruinam
 Iam Tibi, ni fuerint prorsus abacta, parant.
 His tribus es iam facta tumens, effrans & exlex,
 Hinc quodcumq; libet iure licere putas.
 Parsq; Tui potior tribus his est plena Senatus,
 Humor hic in plebem deuus unde fluit.
 Interiisse prius propter tria funditus ista
 Cum populis urbes, oppida, Regna liquet.
 Hac nequit omnipotens irâ ferre diutius in Te,
 Quâ nisi depuleris, Te grauis ira manet.
 Jamq; tibi gliscens excidia seua minatur,
 Ni properè facias, quæ mea dicta monent.
 Imprimis redeas, redeas ad Religionis auita
 Quam Te scis temerè deseruisse viam.
 Non veterum fuge, non temnas pia dogmata Patrum:
 Et noua, namq; nouum despice, virus habent.
 Mentis & inflata sinuosum pone tumorem,
 Ex partis opibus qui Tibi magnus inest.
 Maior honestatis quam forma cura sit in Te,
 Ut iunctus nitcat cum probitate decor.

Virgo tegat patulo turgentes pectore mammas,
 Qua, quasi prostitui debeat, ire solet.
 Non sit nupta procax, alienis compta capillis,
 Fascia ne superet, neuè Tyara modum.
 Serica cum gemmis & torquibus exue: vestis
 Est satis huic statui lanæ digna Tuo.
 Illa Tuos decuit Maiores, Te malus illam
 Quis pudor hoc itidem tempore ferre vetat?
 Sisq; potestati iurata mente fidelis,
 Sub cuius placido regmine tuta viges.
 Copia Te rerum non efferat haud maris vlla
 Prosperitas: verti nam solet illa breui.
 Paniteas lasisse DEVM, commissæ fatere;
 Et veniam, vitâ sub meliore petas.
 Linque voluptates, sectas erroris, & omne
 In quo Te Domino noueris esse ream.
 Et quod adulterijs, stupris, canisq; per hortos
 Peccasti, supplex corde gemente dole.
 Inglunem vincant ieiunia, templaq; luces
 Quodq; Isai fuerat sit Metanæa Tibi.
 Pauperibus largire libens, fratriq; remittas
 Noxam: quod partum fraude, repende, tenes.
 Te nihil hinc sequitur, nisi quod prestabis egenis,
 Hoc siquidem vita sine carente beat.
 Sic eris è multis, quæ restant, libera penis
 Mirior & fuerit vindicis ira DEI.

Te plaga tandem moneant iam rer Tibi missa,
 Exitium grauius ne Tibi quarta ferat.
 Ante dedit pestes aër Tibi, nuper & ignes,
 Quid dederint vnda, non meminisse nequis.
 Hæc sed adhuc tria contemnens Elementa superbia,
 Te saltem reliquum cogat habere metum.
 Si cum Terrigenis (erit actum) Terra moueri
 Caperit, in pradam facta iacebis humi.
 Ultrices A QVILÆ commercia publica tollent,
 Comprimet ANNONÆ VISTVLA clausus iter.
 Infantem Draco depascens Tua mania cinget,
 Alite prognatus, cuius es ipsa, Jouis.
 Cumq, lupis aderunt Vrsi, cum Tygride Pardi,
 Cum catulis & item torua leana suis
 Vallaris liceat, iungas quoq, Pelion Ossæ,
 Non secura tamen, ni DEVS adsit, eris.
 EXTERNIS tunc prasidijs frustrata manebis,
 Diuitijsq, Tuis despoliata gemes.
 Tunc Te destituent vires, ornatus, & omnes
 Deliria, quibus es, turpiter vsa satis.
 Quidquid in hortorum latebris, festisq, diebus
 Plebs spatians gessit, tunc miseranda lues.
 Impietas, fastus, luxus, tria monstra ruinam
 Tunc simul in barathrum, quod meruere, cadent.
 Admonui quondam Niniuitas: profuit, & Te
 Vt possum moneo, si capis, adde fidem.

Longa-

*Longanimis solet esse DEVS, respiscat ut inde
 Peccator tolerans crimina multa diu.
 Quæ cum non cessant, castigat & acrius affert
 Cum magno, penas, fanore supplicij.*

Bibl. Jag.

Hæc sunt verba, non cæco impetu, sed excelsio iudicio, ne dicam, diuini numinis instinctu annis ab hinc centum, à vaticinante ciue Tuo ad Te scripta, & ea non hominis inglorij aut imperiti, ad resq; agendas vel diiudicandas minus idonei; sed magni illius Senatoris Regni, cui parem Gedanum non tulit; qui ab ineunte adolescentia in Principum nutritus aulis, capacem animum rerum varietate & usu imbuerat; qui trium Poloniarum Regum Alexandri, Ioannis Alberti, & Sigismundi, Secretarium non otiosum, eximie commendationis encomio egerat; qui Palestinâ, Iudæâ, Syriâ, Arabiâ, Cretâ, Dulichio, Corcyrâ, Rhodo, Græciâq; lustratâ; Hierosolymitanos, aliarumq; plurium superbissimarum Urbium, atq; Rerum publicarum cineres, suis pedibus & oculis vsurparat: illius qui ad Clementem VII. Papam, Maximilianum I. & Carolum V. Cæsares, Ferdinandum Bohemiarum Regem, omnesq; penè Christiani Orbis Monarchas, totos duodecim Annos, Orator Regius, Germaniam, Italiam, Galliam, Hispaniam, Britanniam, Belgium, Daniam non legationibus magis, quàm laudibus peragrarat: illius, qui, cum Veneta Respublica victricibus Imperatoris armis premeretur, ter ad eorum castra missus Legatus, certâ conditione pacem Venetis dedit: illius, quem Carolus V. Imperator, cum Imperij diadema positurus, omnium Regum ac Principum Legatos dimisisset, vnum ex omnibus elegit, qui se è Belgio in Hispaniam usq; comitaretur: Huius, inquam, talis tantiq; viri hæc verba sunt & vaticinatio; quibus ego nihil addo vnum oro. Pone

magnis cogitationibus modum ô Gedanum meum, & te non Urbem Dominam, sed alienæ obnoxiam potestati considera. Scio, & memini, me ante annos propemodum quadraginta, aut amplius, in iuuentute, communissimâ Ciuitatis famâ (quam & apud extraneas deinde gentes vulgatam notavi) edoctum fuisse; Dantiscum Ciuitatem liberam, nequaquam Polonorum Dominium, sed Patrocinium duntaxat subiisse; tantoq; id facilius credebam, quanto plures, donatas libertate consimiles Ciuitates, in Imperio Romano numerabam; atq; adeo, innata mortalibus ambitione, sese vltra conditionem suam efferentibus, pro Patriæ libertate, non raro cum rivalibus depugnabam. Verum vbi crescente ætate paulo accuratius excutere cæpi annalium fidem; etiam quàm optarim citius, clariùsque deprehendi; Nos, cum ob causas aliquas (iustæne illæ fuerint, adhuc quidam quærere audent) à Teutonici Ordinis obediencia diuertissemus, extremaq; meritò, nisi auxilij potentia recti, metueremus, SVBDITORVM nomen; multis legationibus, magnis precibus, & (si Historiæ credimus) etiam lachrymis, à Poloniæ diu tergiuersante Rege emisse. Frustra ergo tam cito horum obliuisceris, quæ æternis literarum signata monumentis negare non audes. Sed neque tuæ magnitudini viribusq; aut opibus; neq; propugnaculis manibusq; & aquis multum fide. Prudentiam ex tot regnorum & urbium tibi non inferiorum euentu desume, quarum in vix adulto flore luxuriosa imperia ceciderunt, vt in ipsis iam suis sedibus quærantur. Non in remotas aut alio calentes sole terras te ducam; non centum portarum famâ illustres Thebas; non tot fortissimorum Ducum victricem Numantiam; non Carthaginem, Tarentum, Hierosolymas, Saguntum, Metapontium, suis insepulta pulueribus nomina, calamo eruiam, aut aliarum hu-

iusce-

iuscemodi euerfarum Vrbium ingentia rudera ostendam tibi, Vicinam aspice Pomeraniam, & in ea potentissimam quondam Metropolim quare IULINVM, præclarum (teste Crantzio) Vandalorum Emporium circa annum Christi nongentesimum tantis opibus mercatorumq; negotijs frequens quale vix tota habuit Europa, sola Constantinopoli exceptâ; quare, inquam, nunc tantam Ciuitatem, & ne locum quidem eius facile inueniris. Laborat Historiarum fides vt Iulium fuisse credamus. Et ne antiquioribus vrbium casibus, meam Epistolam, & tuam memoriam onerem; quot nostro hoc sæculo in vno Belgio & Germania præstantissimas ciuitates, nobilissimas arces, munitissima propugnacula, quâ ingenium & astus, quâ obsidio & fames, quâ ferrum & flamma decepit, domuit, expugnauit, deiecit! Subeat in mentem Breda, militaris disciplinæ Gymnasium, quò Iuuentus præcipua Gallica, Anglica, Germanica, ad condiscendas belli artes conueniebat, ad quam magnum illud belli decus Mauritius, quoties de munitionum accuratis absolutisq; operibus sermo incidisset, militiæ peritos remittere tanquam ad exemplar consuevit; & tamen illa, intra septuaginta proximos annos, sexies deditionem facere compulsa est? quid Schenkianum memorem propugnaculum? quid Tellinæ vallis Curiam? quid clauem Franconiæ Regiam aulam? quid Austriæ Ratisbonam? quid Philipsburgum, Bacheracum, Manheimium? quid VVurtzburgum, Francofurtum, Forchemium? quid Heidelbergam, Augustam, Hildesum? quid VVolferbytum, Hannouiam, Bensfeldam, Hemeliam, Boscoducum, Mantuam, Grollam, Vefaliam? Crempam & Hermesteinium? & quid opus est, aut quis enumeret omnia, arces, vrbes, & oppida, quassatas, fractas, & domita, humanæ vicissitudinis & inconstantis fortunæ documenta? Ne itaq; manibus tuis & val-

lis superbias. Ne dixeris: *Ciuitas Dantiscum est, & mansura Ciuitas est.* Magdeburgum memoriâ repete (si parum adhuc tibi recensuisse videor) quantarum erat Vrbs illa virium! quàm vastis circumdata vallis! quàm firmis coronata muris! quàm altis obducta fossis! quàm multis cincta propugnaculis! quantisq; animis virisq; instructa, tot olim Imperatorum Ducumq; belli despectrix! & quam paucæ interfluxerunt horæ, inter urbem hanc magnam, & nullam! an Magdeburgo munitionem Ciuitatem tuam existimas? Si opportuna liberi maris vicinitas, maiores animos sumere iubet; ad modestiam Ostenda te & Rupella vocant: ita hæc illaqueatum innodatumq; vinculis mare vidit, vt potentissimi Regis, spe & ventis inflata classis, ijs rumpendis fuerit impar, adeoq; etiamnum mare clausum libellis editis Angli fateantur. Si commoditate portus tui, Nobilitatem Polonam non posse carere existimas; vide ne erres. forte viam monstrabit necessitas, & alibi vbi minime speras portum aperiet. Antuerpia te terreat. Ostendit circa illam elatis Hispanis Battauorum industria, portuum celebritatem, non tam in situ locorum, quàm voluntate dominantium positam esse. Plurima nimirum temporum occasio immutat, multaq; non rarò etiam Regno vtilia, tollunt Reges, ne nimium fastui alterius concessisse videantur. Paria timenda habes, & nescio quibus ostentis, seq; inuerrentibus signis, inuerrendam tuam quoq; fortunam nonnulli augurentur. Si externarum auxilijs gentium incumesceis, & dependere à fide illorum tua salus incipit, iam perijsti. Pauci Principes nostris seculis alicui Reipublicæ aut laboranti Ciuitati, nisi in rem suam subueniunt, & quam fida hæc auxilia sint te Palzologi in Orientis Imperij amissione, Maximilianus in Burgundiæ recuperatione, Galli in Neapolitani Regni occupatione docebunt,

cebunt. Ne itaq; aliena Regum ac Rerumpublicarum arma
 aduoces: cadere tuis potes. Staret adhuc forsitan hodie in
 solo nostro, Teutonicus Ordo, nisi eundem amica auxilia, ex
 Germania ingenti pecunia adducta, suamet sede exturbas-
 sent; expilatoq; prius stipendijs arario, Marieburgensem ar-
 cem, pro qua contra Poloniz Reges defendenda, vocata e-
 rant, Poloniz Regibus vendidissent. Sed & Teipsum in ex-
 emplum cape, & qua ratione, dum à Voldemaro Brande-
 burgenſi Marchione, milite cingereris, Regno aliquando sub-
 ducta fueris, velis meminisse. Vocarat, allectus vicinitatis
 compendio, Crucigeros in subsidium Bogussius Capitaneus
 tuus: at illi, recedente ab arce & vrbe Marchione, eam pro
 Rege defensam, pro se retinuerunt, suoq; dominatui in mer-
 cedem laboris adiecerunt. Ita vnde sperari salus, inde time-
 ri hostilia debent. Si deniq; in saltacitum tuum spes locas;
 attende, ne post Gallicos Entagrios, post Papienses Curtios,
 post Florentinos Papos, post Bataucos Claudios, post Nea-
 politanos Campobachios citò saltet; præsertim si argenteos
 obfides extra inuenerit. Verum me, tantummodò Vatem ex-
 hibere volentem Patriæ amor longius prouenit. Finio. Vosq;
 amplissimos Consules Ciuesq; populares meos, etiam atque
 etiam obtestor, vt reuocatâ beneficiorum memoriâ, quibus
 Regum magnificâ magis quàm prouidâ liberalitate ornati es-
 tis, officijq; vestris & gloriæ memores, à vobis ipsis non di-
 scedatis. Non impello vos, vt conuellatis Priuilegia, & im-
 munitates vestras perturbetis, sed ne nimium literarum apici-
 bus inhæreatis, atque num eorum, quorum est condere, inter-
 pretari sit, an vestrum, diligenter pensitetis. Nolite in ali-
 quorum Optimatum beneuolentia ferociùs confidere, fauor
 is intra pacis consilia se continet; vbi arma inducet necessi-
 tas

tas (si tamen sine armis confici non possitis) suis, illos, non
 vestris, vñbus studuisse aduertetis. Neq̃ vnus alicuius Rei-
 publicæ, aut Ciuitatis audacia vos accendat, cuius fortè te-
 meritatem fortuna adiuuit; cum tot millibus infortunatissi-
 mis exemplis terreamini Vrbium ac populorum, qui defectio-
 nis præmium, interitum retulerunt. Cauete ergo, ne immo-
 derata fiduciæ præsumptione & inconsultis ardoribus in res
 serò pænitendas properetis, neuè magis peruiaciam
 cum pernicië, quam obsequium cum securita-
 te eligatis. V.



non
Rei-
te-
ssi-
tio-
no-
res
a
but
dab
com
ind
Reg
ced
ti
ave
pol
pol
op
lip
amp
eian
Reg
fiss
feed
min
bus
pcc
dus
is in



